

Cyngor Cymuned Dolbenmaen

Deddf Rhyddid Gwybodaeth - Cynllun Cyhoeddi

Mae'r Cynllun cyhoeddi hwn yn rhwymo'r Cyngor i ofalu bod gwybodaeth ar gael i'r cyhoedd fel rhan o'i weithgareddau busnes arferol. Mae'r wybodaeth a gynhwysir yn perthyn i'r dosbarthiadau o wybodaeth a grybwyllir isod, lle bo'r wybodaeth hon yn cael ei chadw gan yr Awdurdod. Rhoddir cymorth pellach o ran y diffiniadau o'r dosbarthiadau hyn mewn llawlyfrau penodol i sector a gyhoeddir gan y Comisiynydd Gwybodaeth.

Mae'r Cynllun yn rhwymo'r Cyngor:

- I gyhoeddi neu wneud ar gael mewn modd arall fel rhan o'i waith arferol wybodaeth, gan gynnwys gwybodaeth amgylcheddol, a gedwir gan yr Awdurdod ac sydd yn perthyn i'r dosbarthiadau isod.
- I enwi'r wybodaeth a gedwir gan yr Awdurdod ac sydd yn perthyn i'r dosbarthiadau isod.
- I gyhoeddi neu wneud ar gael mewn modd arall fel rhan o'i waith arferol wybodaeth yn unol â'r datganiadau a gynhwysir yn y Cynllun hwn.
- I gynhyrchu a chyhoeddi'r dulliau a ddefnyddir i ofalu bod y wybodaeth benodol ar gael fel mater o drefn fel bod modd i'r cyhoedd ei hadnabod a'i chyrraedd yn hawdd.
- I adolygu a diweddarau'n rheolaidd y wybodaeth mae'r Awdurdod yn trefnu ei bod ar gael dan y Cynllun hwn.
- I gynhyrchu rhestr o bob ffi a godir i gael mynediad i'r wybodaeth y trefnir ei bod ar gael.
- I drefnu bod y Cynllun Cyhoeddi ar gael i'r cyhoedd.

Dosbarthiadau o Wybodaeth

Pwy ydym ni a beth a wnawn.

Gwybodaeth drefniadol, lleoliadau a chytundebau, rheolaeth gyfansoddiadol a chyfreithiol.

Beth a wariwn a sut y gwariwn ef.

Gwybodaeth ariannol yn ymwneud ag incwm a gwariant amcanol a go iawn, tendro, caffael a chytundebau.

Beth yw ein blaenoriaethau a sut rydym yn perfformio.

Gwybodaeth am strategaethau a pherfformiad, cynlluniau, asesiadau, arolygon ac adolygiadau.

Sut y gwnawn benderfyniadau.

Cynigion polisi a phenderfyniadau. Prosesau'n ymwneud â gwneud penderfyniadau, meini prawf a gweithdrefnau mewnol, ymgynghoriadau.

Ein polisiâu a'n gweithdrefnau.

Protocolau ysgrifenedig cyfredol ar gyfer cyflawni ein swyddogaethau a'n cyfrifoldebau.

Rhestrau a Chofrestrau.

Gwybodaeth a gedwir mewn cofrestrau a fynnir gan y gyfraith a rhestrau eraill yn ymwneud â swyddogaethau'r Awdurdod.

Y Gwasanaethau a Gynigiwn.

Cyngor a chanllawiau, llyfrynnau a thafleuni, gweithrediadau a datganiadau i'r wasg. Disgrifiad o'r gwasanaethau a gynigir.

Ni fydd y dosbarthiadau gwybodaeth yn gyffredinol yn cynnwys:

- Gwybodaeth y rhwystrir ei datgelu gan y gyfraith neu sydd wedi'i heithrio dan y Ddeddf Rhyddid Gwybodaeth, neu a ystyrir yn briodol fel arall ei bod wedi'i diogelu rhag gael ei datgelu.
- Gwybodaeth ar ffurf drafft.
- Gwybodaeth nad yw bellach ar gael yn hawdd oherwydd ei bod mewn ffeiliau a storiwyd mewn archif, neu sydd yn anodd ei chyrraedd am resymau tebyg.

Y dull a ddefnyddir i beri bod y wybodaeth a gyhoeddir dan y Cynllun hwn ar gael

Bydd y Cyngor yn nodi'n glir i'r cyhoedd pa wybodaeth a gynhwysir yn y Cynllun hwn a sut y gellir ei chael.

Pan fo o fewn gallu'r Cyngor, darperir y wybodaeth ar wefan. Pan fo'n anymarferol i drefnu bod gwybodaeth ar gael ar wefan neu pan na fo unigolyn yn dymuno cyrraedd y wybodaeth ar y wefan, bydd y Cyngor yn nodi sut y gellir cael gwybodaeth drwy ddull arall ac yn ei darparu drwy'r dull hwnnw.

Mewn amgylchiadau eithriadol mae'n bosibl na fydd modd cael gwybodaeth ond drwy ei gweld yn bersonol. Pan nodir y dull hwn, darperir manylion cysylltu. Trefnir apwyntiad i weld y wybodaeth o fewn cyfnod rhesymol.

Darperir gwybodaeth yn yr iaith y cedwir hi ynnddi neu mewn unrhyw iaith arall y mae'n gyfreithiol ofynnol ei chael. Pan fo gofyn i Awdurdod gyfieithu gwybodaeth yn ôl y gyfraith, bydd yn gwneud hynny.

Ufuddheir i rwymedigaethau dan Ddeddfau Anabledd neu Wahaniaethu ac unrhyw ddeddfau eraill i ddarparu gwybodaeth ar ffurfiau ac mewn fformatau eraill pan ddarperir gwybodaeth yn unol â'r Cynllun hwn.

Taliadau y gellir eu codi am wybodaeth a gyhoeddir dan y Cynllun hwn

Pwrpas y Cynllun hwn yw peri bod cymaint o wybodaeth ag sy'n bosibl ar gael yn hawdd i'r cyhoedd gyda chyn lleied o anghyfleustra a chost ag sy'n bosibl. Bydd y taliadau a godir gan yr Awdurdod am ddeunydd a gyhoeddir fel mater o drefn yn cael eu cyfiawnhau a byddant yn dryloyw ac mor isel ag sy'n bosibl.

Darperir deunydd a gyhoeddir ac a gyrhaeddir ar wefan yn ddi-dâl.

Gellir codi tâl am wybodaeth sydd yn atebol i system daliadau a bennir gan y Senedd.

Gellir codi tâl am alldaliadau go iawn a gyfyd fel:

llungopio

postio a pheycynnu

y costau a gyfyd yn uniongyrchol o ganlyniad i weld gwybodaeth

Gellir codi taliadau hefyd am wybodaeth a ddarperir dan y Cynllun hwn lle awdurdodir hwy yn gyfreithiol, lle gellir eu cyfiawnhau dan bob amgylchiadau, gan gynnwys egwyddorion cyffredinol yr hawl i gael mynediad i wybodaeth a gedwir gan awdurdodau cyhoeddus, a lle maent yn unol â rhestr neu restrau cyhoeddedig o ffioedd sydd ar gael yn hawdd i'r cyhoedd.

Os codir tâl, rhoddir cadarnhad o'r taliad dyledus cyn darparu'r wybodaeth. Gellir gofyn am y tâl cyn darparu'r wybodaeth.

Ceisiadau Ysgrifenedig

Gellir gwneud cais ysgrifenedig am wybodaeth a gedwir gan awdurdod cyhoeddus ac sydd heb ei chyhoeddi dan y Cynllun hwn, ac ystyrir ei darparu yn unol â darpariaethau'r Ddeddf Rhyddid Gwybodaeth.

Sut i wneud cais am wybodaeth

- 1 Dylid gwneud cais ysgrifenedig a dylid cynnwys enw a chyfeiriad ymateb, ynghyd â disgrifiad llawn o'r wybodaeth rydych eisiau.
- 2 O fewn 20 diwrnod gwaith o dderbyn y cais bydd y Clerc yn -
 - a. Cadarnhau os yw'r wybodaeth ar gael ac os yw'n bosib ei ryddhau, neu yn eich cynghori lle gellir canfod y wybodaeth.
 - b. Eich hysbysu beth fydd y tâl am y gost o roi gwybodaeth.
 - c. Rhyddhau'r wybodaeth ar ôl derbyn y ffi.

Gwybodaeth i'w gyhoeddi (Gwybodaeth gyfredol yn unig fydd yma)	Sut y gellir cael y wybodaeth
Dosbarth 1 - Pwy ydym ni a beth yr ydym yn ei wneud	
Pwy yw pwy ar y Cyngor a'i Bwyllgorau	Gwefan/copi caled/e-bost
Manylion cyswllt y Clerc ac aelodau'r Cyngor	Gwefan/copi caled/e-bost
Dosbarth 2 - Beth ydym ni'n ei wario a sut	
Cyfrifon y flwyddyn ariannol bresennol a'r un flaenorol o leiaf	Gwefan/copi caled/e-bost
Ffurflen ac Adroddiad Blynyddol yr archwilydd	Drwy gysylltu gyda'r Clerc i drefnu dyddiad ac amser cyfleus
Y gyllideb derfynol	Copi caled/e-bost
Praesept	Copi caled/e-bost
Grantiau a roddwyd ac a dderbyniwyd	Manylion yn y Cofnodion - gwefan/copi caled/e-bost
Taliadau i gontractwyr a chyflenwyr	Manylion yn y Cofnodion - gwefan/copi caled/e-bost

Dosbarth 3- Ein blaenoriaethau a lle'r rydym arni	
Cynllun Gwariant	Manylion yn y Cofnodion - gwefan/copi caled/e-bost
Dosbarth 4 - Y ffordd y byddwn yn llunio penderfyniadau	
Amserlen cyfarfodydd	Gwefan/copi caled/e-bost
Agendâu cyfarfodydd	Gwefan/copi caled/e-bost
Cofnodion cyfarfodydd (bydd hyn yn eithrio gwybodaeth sy'n cael ei hystyried yn briodol yn breifat i'r cyfarfod)	Gwefan/copi caled/e-bost
Adroddiadau a gyflwynwyd i gyfarfodydd y Cyngor	Copi caled
Ymatebion i bapurau ymgynghorol	Manylion yn y Cofnodion - gwefan/copi caled/e-bost
Ymatebion i geisiadau cynllunio	Manylion yn y Cofnodion - gwefan/copi caled/e-bost
Dosbarth 5 - Ein polisiau a gweithdrefnau	
Rheolau Sefydlog Cod Ymddygiad Polisi Iaith Cyllid Rhyddid Gwybodaeth Deddf Diogelu Data Rheolau Claddu Ffioedd Claddu	Gwefan/copi caled/e-bost
Dosbarth 6 Rhestri a Chofrestri	
Mynwentydd	Copi caled/e-bost
Llwybrau Cyhoeddus	Copi caled/e-bost
Cofrestr asedau	Copi caled/e-bost
Ffurflenni datgan diddordeb	Copi caled/e-bost

Dosbarth 7 Y gwasanaethau yr ydym yn eu cynnig	
Mynwentydd a mynwentydd eglwysi sydd ar gau	Copi caled/e-bost
Llwybrau Cyhoeddus	Copi caled/e-bost
Llochesi Bws	Copi caled/e-bost
Hysbysfyrddau	Copi caled/e-bost

Rhestr o Daliadau

Math o Dâl	Disgrifiad	Sail y Taliad
Cost y taliad	Llungopio am ...c y daflen	Gwir gost
	Costau Post	Gwir gost postio safonol 1af neu 2il ddosbarth Post Brenhinol
	Costau Staff	£10 yr awr

Mabwysiadwyd gan y Cyngor mewn cyfarfod a gynhaliwyd ar yr 2il o Fai 2019.